

# GIMI WARIDI BE 'EWA BE SAME

*(Ancient Hymns, Canticles and Psalms).*


In the Dobuan Language.

Prepared by the Rev. J.R. Andrew.

VJ  
Dobuan  
9.2

Methodist Mission, Salamo, Papua.  
1938.

Y3  
1581  
I



# GIMI WARIDI BE 'EWA BE SAME

*(Ancient Hymns, Canticles and Psalms).*

In the Dobuan Language.

Prepared by the Rev. J. R. Andrew.

**TRANSLATIONS DEPARTMENT  
CANBERRA BIBLE HOUSE**

Methodist Mission, Salamo, Papua.  
1938.

## 'EBELOBA.

(The chant tunes are, unless stated, from the new Methodist Hymn Book).

1. Luke 1:46, Tune 7A . . . . .	3.
2. Luke 1:68, Tune 51B . . . . .	4.
3. Luke 2:29, Tune 986F (Old Edition) . . . . .	6.
4. Iobi 28, Tune 45A . . . . .	6.
5. Aisea 60, Tune 40A . . . . .	8.
6. Same 1, Tune 9E . . . . .	9.
7. Same 8, Tune 63B . . . . .	10.
8. Same 19, Tune 7A . . . . .	11.
9. Same 19, Tune 54B . . . . .	12.
10. Same 23, Tune 989F (Old Edition) . . . . .	13.
11. Same 27, Tune 44B . . . . .	15.
12. Same 34, Tune 45B . . . . .	17.
13. Same 46, Tune 34B . . . . .	19.
14. Same 67, Tune 38A, 40B . . . . .	20.
15. Same 72, Tune 40B . . . . .	21.
16. Same 86, Tune 44B . . . . .	23.
17. Same 91, Tune 29A . . . . .	25.
18. Same 93, Tune 8C . . . . .	27.
19. Same 95, Tune 24B . . . . .	28.
20. Same 100, Tune 26B . . . . .	29.
21. Same 103, Tune 51B, 51C . . . . .	30.
22. Same 121, Tune 16B . . . . .	33.
23. Same 136, Tune 28A . . . . .	34.
24. Same 145, Tune 36A . . . . .	36.
25. Same 148, Tune 63A . . . . .	39.

**TRANSLATIONS DEPARTMENT  
CANBERRA BIBLE HOUSE**

VJ

Dobuan

9.2

## 1 LUKE 1,46-55.

- 1 Iaruiaruagu  
 'Inapwana 'i tupuna,  
 Ta Eaubada 'Igu To 'Etoseana  
 Iaruiaruagu 'i guausoara 'enaia.
- 2 Ioniionina me wainena 'ina siwaboa  
 'I duneduneiei ta 'enega;  
 Wa 'ita ta 'enega, tuta gete ta muriega  
 'Epata tomota iauiauna si da 'awabobo 'anegu.
- 3 Tauna 'i ewaiwai  
 Iage sinabwana  
 'Eguia 'i guinua ta 'enega;  
 Ta 'ana esana tabu.
- 4 Ta taudi si matautena 'edia  
 'Ina 'atenua 'ole'ole  
 Epata tomotaiio  
 Ga epata tomotaiio.
- 5 Waiwai nimanega  
 'I e'ita ni'atu;  
 To gagasa 'atedi 'idi nuenega  
 'I lolelwanedi.
- 6 'Inapwanao 'idi 'ebemiega  
 'I sa'u mwautedi,  
 Ta gomabeso  
 'I sa'u tu'eiedi.
- 7 To botana iage bobo 'adiega  
 'I loemaedi ni'atu;  
 Ta toesaesa 'i etunedi  
 Manimenimedimo.

- 8 Isireli 'ina 'ari'e  
 Ni'atu 'i lemena,  
 Be 'nega 'atenua'ole'ole  
 'I da nua 'i'isi.
- 9 Tubudao 'edia  
 'Ina ona nadigega  
 Eberaamo ta tubunao 'edia  
 Ga tuta iauna.

## 2 LUKE 1,68-79.

- 1 'Inapwana Isireli 'ina Eaubada  
 Ta da 'awabobo'anena;  
 'Ina tomota ni'atu 'i mai sabi 'itedi,  
 Ta ni'atu 'adi sa'ugagi 'i guinuena.
- 2 Ta Debida 'ina 'ari'e  
 'Ina anuaia  
 'Etoseana 'ana loguli  
 'I gietooro manuda.
- 3 (Nadigega 'ina ona  
 'Ina paropita tabu 'awadiega,  
 Taudi gimi tuta  
 'Enega si miami).
- 4 'Etoseana  
 'Ada tarauwara 'ediega,  
 Ta iauiaudi si guitoiaseda  
 Nimadiega;
- 5 Tubudao 'edia  
 'Atenua'ole'ole 'i da guinua,  
 Ta 'ina onaupaupa tabu,  
 'Ida nua 'i'isi;

- 6 Onaupauga nina  
Eberaamo tamada 'ena  
'I onaupauga,  
'I 'ebwaeda.
- 7 'Abo'ada 'ada tarauwara  
Nimadiega i 'etoseeda  
Ga 'ena ta da bwagobwago  
Ta nigea ta da matautena,
- 8 Bubuna bobo'ana maibo'anega,  
Ta bubuna paruparunega matanaia  
(Ta da bwagobwago)  
'Ida asiata iauiiauna.
- 9 Tamo ta 'oio, goama, si da eeseio  
To 'Etana Sana 'ina paropita:  
'Inapwana matanaia 'u da tauia be  
'Ina 'eda 'u da kakaridi;
- 10 'Etoseana 'ana ebemwaratoni  
'Ina tomota 'edia 'u da 'ebwaea,  
'Idi to 'umalina  
'Adi 'ewa 'enega,
- 11 'Ida Eaubada  
'Ina atenua 'ole'ole manuna,  
'Enega tomwa 'i ulisi  
'Etanega 'i da mai be 'i 'iteda.
- 12 Be taudi gugui oi ta mwawasa iauiaukwina ena si miatoa  
'Edia 'i da sae;  
'Aeda 'i enuganedi  
Gugua 'ina 'eda 'enaia.

**3** LUKE 2,29-32.

- 1 'Inapwana ! 'imu 'ari'e  
'U da tagwara be 'i da tauya,
- 2 Nadigega 'imu ona  
Guguiega;
- 3 Mataguiega 'imu 'etoseana  
Ni'atu ia 'itena ta 'enega,
- 4 Tauna tomota iauiauna  
Matadia 'u sa'una;
- 5 Maedana To Apwesa  
'Adi 'ebe'ita,
- 6 Ta 'imu tomota Isireli  
'Adi esaesa.

**4** IOBI 28,12-28.

- 1 Sinasinapu  
Mwa'o ta da lobena ?  
Ta mwaratoi  
Senana mane 'ena ?
- 2 Tai nigea 'ana gimwane  
'I mwaratonina;  
Ta nigea si lobena  
Taudi maiawasidi 'idi 'asaia.
- 3 Ni'u 'i gwae,  
Nigea 'egua:  
Ta ora 'i gwae,  
Nigea ma'icagu.
- 4 Nigea ta da 'ewena  
Gola manuna,  
Ta siliba nigea ta da etopwapwa  
'Ana gimwane manuna.

- 5 Nigea kapekapeana ta 'ita-esiesinuena  
 Opiri golina ma'ieana,  
 Onikisa bobo'ai'ailina,  
 Nai sapaire ma'ieana.
- 6 Gola be gelasi  
 Nigea si erererea ma'ieana,  
 Ta 'ana sa'ugelasa  
 Nigea iaiara gola 'esasena.
- 7 Gili nai karisitala  
 Gea'abo ta 'ina'inana:  
 Tamo, sinasinapu 'ana gimwane  
 Paku 'i sinabwasinedi.
- 8 Idiopia topasina  
 Nigea rererea ma'ieana,  
 Ta nigea ta 'ita-esiesinuena  
 Gola 'esasena ma'ieana.
- 9 Ga mwa'adega sinasinapu 'i mai?  
 Ta mwaratoi senana mane 'ena?  
 Iauiaudi maiawasidi matadi 'edia  
 'i miakwaia ta 'enega.
- 10 Ta mwatui manuidi  
 'Ediega 'i ekwaiena.  
 Esilae be Mwawasa si gwae,  
 Tenamega arena 'a nonona.
- 11 Eaubada 'ana 'eda 'i sinapuna,  
 Ta senana 'i mwaratonina.  
 Gabura 'ana 'ebelosa'u 'ena 'i 'ita,  
 Garewa maiboana 'agaraunaia i 'itena.

- 12 Iagila 'ana mwau 'i guinuena;  
Tamo, boasi 'i tagwaredi 'etopwapwega.  
Tuta 'nega lolina 'i guinuena 'usana manuna,  
Ta weparara namarina 'ana 'eda;
- 13 Ga 'i 'itena, ta 'i simanena;  
'I sa 'u 'ai 'ailina,  
Tamo, 'i 'ebesena.  
Ga tai 'ena 'i ona,
- 14 Wa 'ita, 'Inapwana 'ana matauta,  
Gote sinasinapu:  
Ta to 'umalina 'ana gisinana  
Tauna mwaratoi.

## 5 AISEA 60,1-3,19-22.

- 1 'U da tooro, 'u da sae;  
'Imu maedana ni 'atu 'i mai ta 'nega,  
Ta leoba 'ina esaesa  
'I apwesa 'emuia.
- 2 'U 'ita, ta 'nega,  
Guguioi gabura 'i da bodena,  
Ta guguioi badona  
Tomota 'i da bodedi:
- 3 Ta leoba 'i da apwesa 'emuia,  
Ta 'ina esaesa si da 'ita 'emuia,  
Ta 'ebeloinao si da mai 'imu maedana 'enaia,  
Ta kiniao 'imu apwesama 'ana tuiaiara 'enaia.
- 4 Sinara gea 'abo wate  
'Imu maedana asiataia;  
Nai tuiaiara manuna  
Nawarae 'i da giemaedaneio:

- 5 Ta leoba tauna  
Maedana ataia 'emuia,  
Ta 'imu Eaubada  
'Imu esæsa.
- 6 'Imu sinara gea 'abo wate  
'I sugusugua,  
Nai 'imu nawaræe  
'I kwaikwaiena tauna:
- 7 leoba tauna 'imu maedana  
Ataia ta 'enega,  
Ta 'imu doonaona 'ana asiatao  
Si da gumwara.
- 8 'Imu tomota wate iaiuadi si da paruparu  
'Asa si da 'ewa ataia;  
'Igu 'aso narina, nimaguao 'idi guinua,  
Be 'enega ma'igu esaesa;
- 9 Megidarasedaina tauna etausana,  
Ta megidarina 'ebeloina pa'ara;  
'Abo'agu leoba ia da gimaniniena  
'Ana tuta 'enega.

## 6 SAME 1.

- 1 Tai nina 'i bobo'ana  
Toto'umalidi 'idi nuanua nigea 'ena 'i da tauia,  
Ta wate tologesi 'idi 'eda  
Nigea 'ena 'i tooro.
- 2 Nai tosinaræ 'idi 'ebemi  
Nigea 'ena 'i miatoa.  
Ta 'ina guausoara  
leoba 'ina loina 'ena 'i miami;

- 3 Ta 'ina loina 'ena 'i nuanua  
Asiataia be boiboia,  
Ta tauna 'atua nadigega kaiwe si 'asona  
Boasi daudauna deinaia,
- 4 Tauna 'i uaua 'ana tuta 'enega.  
Iawana wate nigea i'oaperu;  
Ta to'ase nai 'i guinuena,  
'I da sinabwa.
- 5 Toto'umalidi  
Nigea nadigega;  
Taudi witi bwarana 'atua  
Iagila 'i siiesiie iaula.
- 6 Ta 'enega toto'umalidi  
Gea'abo si tootooro loina 'enaia  
Nai toloegesiao  
Tobubu-paruparu 'idi deriegogona 'enaia.
- 7 Ieoba tobubu-paruparu 'idi 'eda  
'I mwaratonina:  
Ta toto'umalidi 'idi 'eda  
'I da saora.

## 7 SAME 8.

- 1 Ieoba 'ie, 'ima 'Inapwana,  
'Amu esana bobo'ai'ailina  
Bare'u maibo'ana 'enaial  
Tauio 'imu esaesa ni'atu 'u sa'u tu'e garewaia.
- 2 Meameadi ta tonumasusu 'awadia  
Waiwai 'u giepa'arina,  
'Amu tarauwara manudi,  
Be 'enega tarauwara ta toe'isa 'u da gienonodi.

- 3 'Eguma 'imu garewa ia nuedi,  
Nimamatagigiio 'idi guinua,  
Nawarae ta kwadimao,  
Taudi ni'atu 'u sa 'u 'ai'ailidi;
- 4 To'ase tai,  
Ga 'enega manuna 'u nuanua ?  
Ta tai natuna,  
'Ena 'u mai sabi 'itana ?
- 5 Ni'atu 'u bubuna Eaubada 'ena  
'I lo'ubuna gidarina ta 'enega,  
Ta esaesa ta 'amaiaba  
'Ediega 'u epeaulina.
- 6 'U bubuna be nimaio 'idi guinua  
'I da loinedi;  
Iage iauiuna ni'atu 'u sa 'una  
'Aena ubunidia:
- 7 Sipi ta bulumakau iauiaudi,  
Tamo, ta bomitawaiao;  
Mwatui manuinao, ora 'ianinao,  
Ta to'ase nai ora 'adi 'edao 'i rubwaredi.
- 8 Ieoba ie,  
'Ima 'Inapwana,  
'Amu esana 'i bobo'ai'ailina  
Gabura maibo'ana 'enaia!

## 8 SAME 19,1-6.

- 1 Garewaia Eaubada 'ina esaesa  
Si simanena:  
Ta mwatui nimana 'ina guinua  
'I e'itaena.

- 2 Asiata ga asiata  
Ona i 'ina 'inana  
Ta boiboi ga boiboi  
Mwaratoi 'i e 'itaena.
- 3 Nigea 'ebweu ona nai 'enana;  
'Enadi nigea si nonona.  
'Idi raba 'i tauiawa  
Gabura maibo 'ana 'enaia,
- 4 Ta 'idi ona  
Gabura 'ana 'ebelosaroni 'enaia.  
'Edia tabenakele ni 'atu 'i sa 'una  
Sinara manuna,
- 5 Tauna nadigega toai me 'olotona  
'Ina anuega 'i apwesama,  
Ta 'i guausoara nadigega tai waiwai  
'Ina 'ebepili 'i piliena.
- 6 'Ina tauiawa garewa 'ina 'ebelosa 'uiega,  
Ta 'ina sakowasi 'ana 'ebelosaroni 'edia:  
Nigea 'ebweu iage 'i kwaia  
'Ina iaiaiega.

## 9 SAME 19,7-14.

- 1 Ieoba 'ina lolina bobo 'ai 'ailina,  
Iaruiarua 'i giebobob 'anena:  
Ieoba 'ina simana ona 'ai 'aila,  
'Toemwagemwage 'adi sinapu 'i sa 'una.
- 2 Ieoba 'ina lolina paruparudi,  
'Ate si giegwauusoarina:  
Ieoba 'ina ona 'esašena  
Mata 'i giemaedanedi.

- 3 Ieoba 'ana matauta esasena,  
 'I mia ataia;  
 Ieoba 'ina etara iage 'ai'aila,  
 Ta paruparuna maibo'ana.
- 4 Gola si bobo'ana sinena,  
 Tamo, gola 'esasena sinabwana;  
 Wate mu'awa si dibidibi sinena,  
 Ta mu'awa wagana.
- 5 Wate 'ediega 'imu 'ari'e  
 Si 'emataruena;  
 'Adi 'ita'i'ita e'isa  
 Sinabwana 'ena 'i miami.
- 6 Iaita 'ina loegesi 'i da 'itedi ?  
 Loegesi kwaia 'ediega 'u da li'amigu.  
 Loegesi oopa'ara wate  
 'Imu 'ari'e 'ediega 'u da giaina;
- 7 Gea'abo 'eguia si loloina:  
 Ga ia da bobo'ana 'ai'aila,  
 Ta le'oalcina sinabwana  
 'Enega ia da bobo'ana.
- 8 'Awagu 'ina ona ta 'ategu 'ina nuanua  
 Si da bobo'ana matamuia,  
 Ieoba ie, 'igu gurewa,  
 Ta 'agu to'ewalimana.

## 10 SAME 23.

- 1 Ieoba 'igu to'ita'i'ita sipi  
 Gea'abo ia botabotana.
- 2 Pwatura karakarawina  
 'Ena 'i e'enoigu:

- 3 Boasi 'ebeeiwai'ata  
Deinaia i 'au'ewegu.
- 4 Iaruiaruagu  
'I giebwewe'ana:
- 5 Bubuna paruparuna 'ina 'edao 'edia  
'I anuganegu 'ana esana manuna.
- 6 Tamo, 'abo mwawasa iauiakwina  
Sa'arina ia rubwarena,
- 7 Gea'abo 'ebweu to'umalina ia matamataute;  
'Oio ma'ieagu ta 'enega:
- 8 'Imu guna ta 'imu keweliwelili,  
Taudi si gieguausoarigu.
- 9 Tebeli 'u sa'u 'ai'a'aili mataguia  
'Agu tarauwarao matadia:
- 10 Debagu 'u eoroina bunamega;  
'Igu keiga 'i maa tasitasiwa.
- 11 Ona 'ai'a'aila bubuna bobo'ana  
Ta 'atenua'ole'ole
- 12 Si da muriegu iawasigu 'ana asiata  
Iauiiuna 'ediega:
- 13 Ta Ieoba 'ina anua 'ena  
Ia da mia ataia.

## 11 SAME 27.

- 1 Ieoba 'igu maedana ta 'agu 'etoseana,  
 Iaita ia da mataute?  
 Ieoba iawasigu 'ina waiwai;  
 Iaita manuna ia da 'atesa'ara?
- 2 'Eguma toguinua to'umalina  
 Si mai 'eguia sabi 'e'ai oogu,  
 'Agu tarauwarao tuga ta 'agu tolosaiao,  
 Si setupedi ta si be'u.
- 3 'Abo boda si lo'asa mataguia,  
 Gea'abo ia 'ate'atesa'ara:  
 'Abo saia 'i tooro mataguia,  
 Gote 'enega ia da mia pa'ara.
- 4 Iage 'ebweuna Ieoba 'ena ia sida,  
 Iage nina ia da 'ebese:  
 Be 'enega Ieoba 'ina anua 'ena ia da miami  
 Iawasigu 'ina 'asiata iauiuauna.
- 5 Sabi 'ita Ieoba  
 'Ana 'ita bobo'ana,  
 Ta sabi eona  
 'Ina anua 'enaia.
- 6 'Asiata 'ebeloni 'enega  
 'I da egagara k'waiegu  
 'Ina anua 'ebe'erauiukwa  
 'Enaia ta 'enega.
- 7 'Ina anua-tabenakele 'ina sena kwaia  
 'Ena 'i da sa'u kwaiegu;  
 'I da gilagasigu  
 Gurewa debanaia.

- 8 Ta gete 'enega  
 Debagu 'i da miatu'e  
 'Agu tarauwarao  
 Si miasakowasiegu debadia;
- 9 Ta 'ina anua-tabenakele 'ena  
 Guausoara 'ana taria ia da 'ebwaeae;  
 Ia da wari, tamo, tuputupu  
 Ia da warie leoba 'enaia.
- 10 Ieoba ie, 'eguma ia bwaubwau  
 'Enaguiega, u da nono:  
 Wate 'u da 'atenua'ole'oleiegu,  
 Ta 'eguia 'u da ona limana.
- 11 Tuta 'enega 'u ona,  
 'Omi maninigu wa da 'ebese;  
 'Ategu 'i gwae 'emuia  
 Ieoba, maninio ia da 'ebese
- 12 Maninio gea'abo 'eguiega  
 'U kwaikwaiena  
 'Imu 'ari'e gea'abo  
 'U guiguitoiasie gamwasoarega:
- 3 'Oio ni'atu 'agu tolema;  
 Gea'abo 'u uleulegu;  
 Nai 'u e'idi'idiegu,  
 'Oio 'agu 'etoseana 'ina Eaubada.

- 14 Tamagu ta sinagu  
Ni'atu si e'idi'idiegu ta 'enega,  
Ta leoba  
'I da 'ewegu.
- 15 leoba ie, 'imu 'eda 'u da e'itagu;  
Ta 'eda nonokwaikwaina 'ena  
'U da anuganegu,  
'Agu tarauwarao manudi.
- 16 'Agu tarauwarao 'idi nuena  
Gea'abo 'ena 'u tagwatagwaregu;  
Tosimana kabokabo si tooro mataguaia,  
Ta taudi 'ebe'elouia si mu'eununa.
- 17 Ia mwawasa ni'atu, abo nigea ia iareiare  
Be leoba 'inā bubuna bobo'ana  
Ia da 'itena  
Maiawasidi 'idi sena 'enaia.
- 18 leoba 'ena 'u da iamwaiamwa:  
'U da pa'ara, be 'ateio 'i da nuanua waiwai;  
Tamo, leoba 'ena  
'U da iamwaiamwana.

## 12 SAME 34,1-9.

- 1 leoba ia da 'awabobo'anena  
Tuta iauiuauna:  
'Ana tuputupu tuta iauiuauna  
'Awagu 'ena 'i da miami.
- 2 Iaruiaruagu 'i da ona gagasa  
leoba manuna:  
Taudi 'idi bubuna nuana si da nonona,  
Ta si da guausoara.

- 3 Ieoba wa da 'awaeseese  
 'Omi ma'eguao:  
 Be 'ana esana  
 Ta da gitu'eie rererea.
- 4 Ieoba ia 'ebesena,  
 Ta 'eguiia 'i ona limana,  
 Ta 'igu matauta iauiiuna  
 'Ediega i 'etosegu.
- 5 'Ena si 'ita,  
 Ta maedana 'i sae 'edia:  
 Ta maninidi  
 Gea'abo si omaiamaia.
- 6 Tai gomabeso gete 'i bwau,  
 Ta Ieoba 'i nonona,  
 Ta 'ina 'ebeloniua iauiiuna  
 'Ediega i 'etoseena.
- 7 Ieoba 'ina anilose  
 Taudi si matautena  
 'I mia sakowasiedi,  
 Ta i 'etoseedi.
- 8 Wa da too ta wa da 'ita  
 Ieoba 'i bobo'ana:  
 Tai nina 'ena 'i emisa  
 Tauna 'i bobo'ana.
- 9 Ieoba wa da matautena  
 Omi 'ina to'esasena:  
 Taudi si matautena  
 Gea'abo si botabotana ta 'enega

## 13 SAME 46.

- 1 Eaubada 'ida 'ebedena  
Ta 'ida 'ebepa'ara,  
Tauna lema ta loba 'ai'aila  
'Elouia 'enaia.
- 2 Ta 'enega gea'abo ta matamatauta,  
'Abo gabura 'i ebuni,  
Ta 'abo 'oia si loniu  
Ora soradia;
- 3 'Abo 'adi boasi  
Si bwaubwau didiga ta si loniu,  
'Abo 'oae si dededera  
'Adi sinabwa 'enega.
- 4 'Ebweu boasi 'i miami  
Narinao Eaubada 'ina 'asa si gieguausoarina,  
Tolo'etanasana  
'Ina anua-tabenakele 'idi sena tabu.
- 5 Eaubada gamwagamwanaia;  
Gea'abo 'i loniu:  
Eaubada 'i da lemena,  
Tomwa 'uli'ulitaia.
- 6 'Ebeloinao si egamwagamwagu,  
Kini 'idi 'asa si loniu:  
'Enana 'i gieapwesena,  
Bare'u 'i doga.
- 7 Bodao 'idi leoba  
'I miami ma'eda;  
Iekobe 'ina Eaubada  
'Idi 'ebedena.

- 8 Wa da mai, Ieoba 'ina guinua wa da 'itadi,  
 Tauna saora 'i bubudi gaburaia.  
 Saiaiao 'i 'upwedi  
 Ga gabura 'ana 'ebelosaroni;
- 9 Tupu 'i lasena,  
 Ta gita i 'upwa ruena;  
 Waga lisilisi  
 'I gabudi 'aweiega.
- 10 Wa da mia oonua, ta wa da mwaratoni  
 'Abo'agu Eaubada;  
 Si da gitu'eiegu 'ebeloina gamwagamwanidia,  
 Si da gitu'eiegu gabura 'enaia.
- 11 Bodao 'idi Ieoba  
 'I miami ma'eda;  
 Iekobe 'ina Eaubada  
 'Ida 'ebedena.

## 14 SAME 67.

- 1 Eaubada  
 'U da 'atenua'ole'oleiema,  
 Ta 'u da onaobobomema,  
 Ta maniniio 'u da giesae emaia;
- 2 Be 'enega 'imu 'eda  
 Si da mwaratoni bare'u 'enaia,  
 'Imu 'etoseana  
 'Ebeloina iauiaina 'edia.
- 3 Tomota si da tupuio, Eaubada ie;  
 Tomota iauiaudi si da tupuio.  
 Ebeloinao si da uiawana  
 Ta si da wari guausoara manuna;

- 4 Tomota 'u da loina  
 Etara 'ai' ailgea,  
 Ta 'ebeloinao 'u da loinedi  
 Gabura 'enaia.
- 5 Tomota si da tupuio  
 Eaubada ie;  
 Tomota iauiaudi  
 Si da tupuio.
- 6 Bare'u 'ina sinabwa  
 Ni'atu 'i uaua;  
 Eaubada, tauda tuga 'ida Eaubada,  
 'I da onaobobomeda.
- 7 Eaubada  
 'I da onaobobomeda;  
 Ta gabura 'ana 'ebelosaroao  
 Iauiaudi si da matautena.

## 15 SAME 72;1-4,6-8,11-14,17-19.

- 1 Eaubada ie, 'imu loinao  
 Kini 'ena 'u da 'ebwaea,  
 Ta 'imu bubuna paruparuna  
 Kini natuna 'enaia.
- 2 'Imu tomota 'i da loina  
 Bubuna paruparunega,  
 Ta 'imu gomabeso  
 Etaraiega.
- 3 'Oiao gugua si da me'ena  
 Tomota 'edia,  
 Ta 'oia gidaridi,  
 Bubuna paruparunega.

- 4 Tomota 'idi gomabeso  
 'I da loinei,  
 Ta nanaewadi natudiao  
 'I da 'etoseedi.
- 5 'I da mwa'utama 'atua 'usana  
 Pwatura 'upwa'upwana 'enaia:  
 'Atua 'usana matapwarapwara  
 Bare'u si epwasena.
- 6 'Ina tutao tobubu-paruparu  
 Si da sinabwa:  
 Ta gugua sinabwawawasae,  
 Ga nawarae nigea 'i miami.
- 7 Ma'ina lina wate  
 Ora ga ora,  
 Ta 'Awaboasi  
 Ga gabura 'ana 'ebelosaroni.
- 8 Tamo, kini iauiuauna  
 Matanaia si da be'u:  
 'Ebeloina iauiaudi  
 'Ena si da guinua.
- 9 Nanaewana 'i da 'etoseena  
 'Eguma 'i dedoi;  
 Ta gomabeso,  
 Tauna nigea 'ana tolemamo.
- 10 Gomabeso ta nanaewadi  
 'I da 'atenua'ole'oleiedi,  
 Ta nanaewadi iaruiaruadi  
 'I da 'etoseedi.

- 11 Mwau ta didiga 'ediega  
Iaruiaruadi 'i da 'ewa limedi;  
Ta raradi 'i da bobo'ana  
'Ai'aila matanaia.
- 12 'Ana esana 'i da mia ataia;  
Ta 'ena tai si da bobo'ana;  
'Ebeloina iauiiuna  
Si da 'awa to'eguasoarena.
- 13 Ieoba Eaubada ta da tupuna,  
Isireli 'ina Eaubada,  
Tauna tebweuna  
Iage 'ebenuaowana 'i guinuedi:
- 14 Ta 'ana esana esaesa  
Ta da tupuna ataia;  
Ta gabura maibo'ana 'i da maa  
'Ina esaesa 'enega.

## 16 SAME 86, 1-10.

- 1 Ieoba ie, 'u da sana mwa 'utama,  
Ta 'egua u da ona limanama;  
'Abo'agu gomabeso  
Ta nanaewagu ta 'enega.
- 2 Iaruiaruagu 'u da 'ita'i'isi;  
'Abo'agu tapwatapwarorogu ta 'enega:  
'Oio 'igu Eaubada,  
'Imu 'ari'e 'i emisemu 'u da 'etoseena.
- 3 'Inapwana ie,  
'Egua 'u da nua'ole'ole;  
'Emuia ia bwau  
Asiata maibo'ana ta 'enega.

- 4 'Imu 'ari'e iaruiaruana  
 'U da gieguausoara;  
 'Inapwana ie, 'emuia iaruiaruagu  
 la gitu'eiena ta 'enega.
- 5 'Oio 'Inapwana, 'u bobo'ana ta 'enega,  
 Ta to'umalina 'u giekweu maninina,  
 Ta iauiaudi 'emuia si bwau 'edia  
 'U nua'ole'ole sinabwana.
- 6 Ieoba ie, tenaio 'u da e'etome'e  
 'Igu sidasida 'enaia;  
 Ta 'igu 'awanoiao  
 'Enadi 'u da nono.
- 7 'Asiata ia 'elouia  
 'Emuia ia da bwau;  
 'Eguia 'u da ona-  
 Limana ta 'enega.
- 8 'Inapwana ie, nigea 'ebweu 'emuia nadigega  
 Eaubadao 'edia  
 Wate nigea guinuo  
 'Imu guinuo nadigega.
- 9 'Inapwana ie, 'ebeloina iauiaudi ni'atu 'u mweruruidi  
 Si da mai ta si da bwagobwago matamua;  
 Ta 'amu esana  
 Si da 'awaeseese.
- 10 'Oio sinabwaio ta 'enega  
 Ta iage 'ebenuawana 'u guinuedi:  
 'Oio Eaubada  
 Tebweuio.

## 17 SAME 91; 1-6 9-16.

- 1 Tauna Tolo'etanasana  
 'Ina sena kwaia 'ena 'i miamia  
 Tauna Toewaiwaisana  
 Iauiaukwana 'ena 'i da mia baula
- 2 Ieoba manuna ia da gwae,  
 Tauna 'igu 'ebedena  
 Ta 'igu anua pa'arina;  
 'Igu Eaubada, tauna 'ena ia emisa.
- 3 Toai-manua 'ina sikwa 'enega  
 'I da 'etoseemu  
 Ta muia  
 'Ebmwawasa 'enega.
- 4 Dagurinega 'i da tara'apwariio,  
 Ta papena 'agaraudia 'u da dena;  
 'Ina ona 'ai'aila  
 Lawa ta lobodaboda.
- 5 Didiga boiboi manuna  
 Gea'abo 'u matamatauta,  
 Nai gita asiata  
 'I taetaea manuna;
- 6 Muia 'i loplidadana  
 Guguioi 'ena manuna,  
 Nai saora 'i loegumwara  
 'Asu'ore'orea manuna.
- 7 Ieoba ie,  
 'Oio 'igu 'ebedena ta 'enega!  
 Tolo'etanasana ni'atu 'u esinua  
 'Aene 'imu anua;

- 8 Gea'abo 'ebweu to'umalina  
 'I unuunuio,  
 Nai 'ebweu muia i mama  
 'Imu anua serabenaia.
- 9 'Ina anloseao  
 'I da emataruedi manuio,  
 Be si da 'ita 'i'isiio  
 'Imu 'eda iauiaudi 'edia.
- 10 Nimadiega  
 Si da 'aario,  
 'Abona nai 'aemuiega  
 Gurewa 'u esetupe.
- 11 Laioni ta moata didiga  
 'U da 'aiaidi;  
 Laioni mwaneiauna ta moata  
 'U da 'abilabiladi 'aeio 'agaraudia.
- 12 'Ina oboboma 'egua 'i sa'u  
 Ta 'enega ia da 'etoseena:  
 Ia da sa'u tu'eiena,  
 'Agu esana 'i mwaratonina ta 'enega.
- 13 'Egua 'i da bwau, ta 'ena ia da ona limana;  
 'Eguma 'i loniu 'abo'agu ma'ieana:  
 Ia da 'etoseena,  
 Ta 'ana 'amaiaba ia da sa'u.
- 14 Iawasina dudurana 'enega  
 Ia da loemaena,  
 Ta 'agu 'etoseana  
 'Ena ia da e'ita.

## 18 SAME 93.

- 1 Ieoba 'i lolina;  
'Ana 'oama bubuna esaesa;
- 2 Ieoba ma 'ana 'oama, 'ni'atu tolobwana  
'I losipwena pa 'arinea.
- 3 Gabura wate 'i pa 'ara,  
Be gea 'abo 'i loniu.
- 4 'Imu 'ebemi-esaesa  
Lowaenei 'i pa 'ara:
- 5 'Oio gimi tuta  
Lowaenei 'u miami.
- 6 Ieoba ie,  
Murua si gitu 'e,
- 7 Murua 'enadi si lotu 'eiedi;  
Murua 'idi lisuiao si gitu 'e.
- 8 Boasi iauiuauna 'enadi 'edia,  
Ora lisuna lasalasawaiwaidi,
- 9 Ieoba lo 'etana  
'I ewaiwai wawasae.
- 10 'Imu e 'itao  
Iage 'ai'aila wawasae:
- 11 Bubuna 'esasena  
'Imu anua 'i lobwenena,
- 12 Ieoba ie,  
Ga tuta ataia.

## 19 SAME 95.

- 1 Wa da mai,  
Be ta da wari Ieoba 'enaia:  
'Ada 'etoseana 'ina gurewa 'ena ta da bwau  
'Enada maguausoarina 'enega.
- 2 Ta da mai matanaia  
Lokagutokiega,  
Same 'ediega ta da bwau  
'Enada maguausoarina 'enega.
- 3 Ieoba tauna  
Eaubada sinabwana ta 'enega,  
Ta tauna Kini sinabwana  
Eaubada iaudi 'i miatu 'e sinedi.
- 4 Nimanaia bare'u 'ina sena  
Ni'uni'una si miami;  
'Oia kesoradi  
Taudi 'ina iage wate.
- 5 Ora 'ina iage  
Ta 'i mweruruina;  
Ta nimanao bwa 'a iadaiadana  
Si guinuena.
- 6 Wa da mai, ta da tapwaroro  
Be ta da kopukopu;  
Ieoba 'ada ToMwerurua matanaia  
'Aeda ta da tulas;
- 7 Tauna 'ida Eaubada ta 'enega,  
Ta 'abo'ada 'ina 'e'ai 'ina tomota.  
Ta nimana 'ina sipi.  
Batua, 'enana wa da nono 'eguma.

- 8 Aemi gea 'abo wa giegiepa 'ari  
 'Atua Meriba 'enaia,  
 'Atua Māsa  
 'Ana asiata mitawaia.
- 9 Tuta 'enega tamamiao si 'eiabegu  
 Si toogu, ta 'igu guinua si 'itena.  
 Iakwara poti ia dedoi  
 'Epata-tomota gote 'enega.
- 10 Ta ia gwae, Taudi tomota nidi  
 Si loegesi 'atedia,  
 Ta 'igu 'edao  
 Nigea si mwaratonidi:
- 11 Ta 'enega 'igu gamwasoarega  
 Ia onaupaupa,  
 'Aene gea 'abo 'igu 'ebeeiawa 'ata  
 'Ena si rugurugu.

## 20 SAME 100.

- 1 'Omi sena iauiami,  
 ('Omi sena iauiami) Wa da bwau  
 'Enami ma-gwausoarina 'enega  
 Ieoba 'enaia.
- 2 Ieoba 'ena wa da guinua  
 Ma'imi guausoara:  
 Ma'imi wari  
 Wa da mai matanaia.
- 3 Wa da mwaratoni  
 Ieoba tauna Eaubada:  
 Tauna 'i mweruruida,  
 Ta 'abo 'ada 'ina tomota;

- 4 'Abo'ada 'ina tomota,  
Ta 'ina pwatura 'ana sipiao.  
Ma'imi lokagutoki  
'Ina 'eberuguiao 'edia wa da rugu,
- 5 Ta ma'imi tuputupu  
'Ina 'atamano 'edia:  
'Ena wa da lokagutoki,  
Ta 'ana esana wa da tupuna.
- 6 Ieoba 'i bobo'ana ta 'enega;  
'Ina nua'ole'ole 'i mia ataia;  
Ta 'ina bubuna 'ai'aila  
'Epata-tomota iauiuna 'edia.

## 21 SAME 103.

- 1 Iaruiaruagu ie,  
Ieoba 'u da tupuna;  
Ta iage iauiuna gamwagamwaniguia,  
'Ana esana tabu 'u da tupuna.
- 2 Iaruiaruagu ie,  
Ieoba 'u da tupuna,  
Ta 'ina guinea bobo'adi iauiuna  
Gea'abo 'u nuanuapupuredi.
- 3 Tauna 'imu bubuna bokobokodi  
Iauiuna nigea 'i e'isa;  
Tauna 'imu le'oasa iauiuna  
'I giebobu'enedi;
- 4 Tauna iawasiio  
'I ewalimena saorega;  
Tauna oboboma nua'ole'ole ta nua'ole'ole nuadi  
Debamuia 'i sa'u amu peaula:

- 5 Tauna 'awaio 'i loemaena  
lage bobo 'adi 'ediega;  
Ta 'enega 'amu tuta tubuau  
'I apwesa limana magisubu 'atua.
- 6 leoba  
Guinua paruparudi 'i bubudi,  
Ta linao taudi iaiiaudi  
Si miamia to 'umalina manudi.
- 7 'Ina 'edao 'i e'ita Mosesese 'enaia,  
'Ina guinua Isireli tubunao 'edia.  
leoba 'i maa nua 'ole 'oleiega  
Ta nuana 'i bobo 'ana.
- 8 'Ina gamwasoara 'i so 'iso 'i,  
Ta nua 'ole 'oleiega 'i sinabwa.  
Gea 'abo 'i ba 'eba 'e ataia;  
Wate gea 'abo 'i gamwasoara ataia.
- 9 Nigea 'i bubuna 'edaia  
Nadigega 'ida loegesiao,  
Nai 'i e'iseda  
Nadigega 'ida bubuna bokobokodi.
- 10 Nadigega garewa 'i lo 'etanasana  
Gabura debanaia,  
Nadigega 'ina nua 'ole 'ole 'ana sinabwa  
Taudi si 'amaiabena 'edia.
- 11 Nadigega bomatu  
'I mia 'edasora 'ebwagega,  
Nadigega 'ana 'edasora  
'Ida le 'oa lina i 'ewedi 'edega.

- 12 Nadigega tamadi  
 Natunao i 'atenua 'ole 'oleiedi,  
 Nadigega leoba taudi si 'amaiabena  
 'I 'atenua 'ole 'oleiedi.
- 13 Bwarada  
 'I mwaramwaratonina ta 'enega;  
 'I nua 'i 'isi  
 'Abo 'ada kau.
- 14 Ta tai manuna,  
 'Ina asiatao pwatura 'atua;  
 Nadigega mitawa senina,  
 Nadigega 'i sinabwa.
- 15 Iagila 'i taonena,  
 Ta ni 'atu 'i sawara;  
 Ta 'ina sena gea 'abo wate  
 'I mwaramwaratonina.
- 16 Ta leoba 'ina nua 'ole 'ole taudi si 'amaiabena 'edia  
 'I mia ataia be ataia,  
 Ta 'ina bubuna paruparu  
 Natunao natudiao 'edia;
- 17 Taudi nadigega 'ina onaupaupa  
 Si 'ita 'i 'isina,  
 Ta taudi 'ina loina  
 Si nua 'i 'isidi be si guinedi.
- 18 Ieoba 'ina 'ebemi-esaesa ni 'atu 'i sa 'u  
 'Ai 'ailina garewaia;  
 Ta 'ina 'ebeloina  
 Iage iauiuna 'i loinedi.

- 19 Ieoba wa da tupuna, 'omi 'ina aniloseao:  
 'Omi pa'ara 'enega wa ewaiwai,  
 'Ina ona wa losaroni,  
 'Ina ona 'enana wa nonona.
- 20 Ieoba wa da tupuna,  
 'Omi iaiuiumi 'ana bodao:  
 'Omi 'ina toguinuao,  
 'Ina nuanua wa guinuena.
- 21 Ieoba wa da tupuna,  
 'Omi iaiuiumi 'ina guinuao,  
 'Ina 'ebeloina 'ana sena iaiuiauna edia:  
 Iaruiaruagu ie, Ieoba 'u da tupuna.

## 22 SAME 121.

- 1 Ia da 'ita tu'e 'oia 'edia:  
 Mwa'adega 'agu lema 'i da mai?  
 'Igu lema Ieoba 'enega  
 Tauna garewa ta bare'u 'i mweruruidi.
- 2 'Aeio gea 'abo 'i tagwatagwarena  
 Be 'i da loniu:  
 Tauna 'i 'ita 'i 'isimu  
 Gea 'abo matana si losaduduna.
- 3 Wa 'ita, tauna Isireli  
 'I 'ita 'i 'isina  
 Gea 'abo matana si losaduduna  
 Nai 'i e 'enomwataia.
- 4 Ieoba 'amu to 'ita 'i 'ita:  
 Ieoba 'amu iaiuiukwa ataimuia.  
 Sinara gea 'abo 'i unuunuio asiata 'enega,  
 Nai nawarae boiboi 'enega.

- 5 Ieoba 'i da 'ita 'i 'isiio  
 To 'umalina iauiauna 'ediega;  
 Iaruiaruao  
 'I da 'ita 'i 'isina.
- 6 Ieoba 'imu apwesawa  
 Ta 'imu ruguma 'i da 'ita 'i 'isi,  
 Tuta gete 'enega  
 Ta tuta ataia.

## 23 SAME 136.

- 1 Ieoba 'ena wa da lotuputupu;  
 Tauna 'i bobo'ana ta 'enega:  
     'Ina nua 'ole 'ole  
     'I mia ataia ta 'enega.
- 2 Eaubadao 'idi Eaubada  
 'Ena wa da lotuputupu:
- 3 'Inapwanao 'idi 'Inapwana  
 'Ena wa da lotuputupu:
- 4 Tauna tebweuna 'ebenuaowana sinabwadi  
 'I guinedi 'enaia:
- 5 Tauna sinasinapuiega  
 Garewa 'i mweruruidi 'enaia:
- 6 Tauna bare 'u 'i gineasina  
 Boasi debadia:
- 7 Tauna maedana sinabwadi  
 'I mweruruidi 'enaia:
- 8 Sinara be asiata  
 'I da loine:

- 9 Nawarae ta kwadimao be  
Boiboi si da loine:
- 10 Tauna Itipita 'i unudi  
'Idi tomatua 'ediega:
- 11 Ta Isireli 'I 'au'ewedima  
Gamwagamwanidiega:
- 12 Nimana waiwaiega,  
Ta nimana iasiasiega;
- 13 Tauna Ora Bweabwearina  
'I weara ruena tauna 'ena:
- 14 Ta Isireli 'i loinedi  
Be si rubwarena:
- 15 Ta Pero ta 'ana bodao 'i ulamwa'utedi  
Ora Bweabwearina 'enaia:
- 16 Tauna 'ina tomota 'i anuganedi  
Mitawaia tauna 'ena:
- 17 Tauna kiniao sinabwadi  
'I unudi 'enaia:
- 18 Ta kiniao 'adi nono sinabwana  
'I loemwawasidi;
- 19 Saiona Amoraiti  
'Idi kini:
- 20 Ta Ogi Besani  
'Ana kini:
- 21 Ta 'idi 'asa i 'ebwaeadi  
Egueguiai manuna:
- 22 Egueguia tuga 'ina toguinua  
Isireli 'enaia:

- 23 Tauna 'i nua 'i 'isida  
'Ida mia mwa 'uta 'ena;
- 24 Ta ni 'atu 'ada tarauwarao  
'Ediega 'i 'etoseeda:
- 25 Masura 'i 'ebwaea iage mabwaradi  
lauiauna 'edia:
- 26 Garewa 'ina Eaubada  
'Ena wa da lotuputupu:

## 24 SAME 145.

- 1 Ia da 'awabobo 'aneio,  
'Igu Eaubada, Kini ie;  
Ta 'amu esana  
Ia da 'awabobo 'anena ataia.
- 2 Asiata 'ebweuna 'ebweuna  
Ia da tupuio;  
Ta 'amu esana  
Ia da tupu ataena.
- 3 Ieoba tauna sinabwana  
Ta sawesawenaia  
Ta da tupuna sinabwana;  
Ta 'ana sinabwa ta loba ioge.
- 4 'Epata-tomota 'ebweuna 'imu guinuao  
'I da tupudi mari 'epata-tomota 'enaia,  
Ta 'imu guinua waiwaidi  
'I da simana.
- 5 'Amu 'amaiaba 'ana esaesa  
Tosinabwasana manuna,  
Ta 'imu guinuao 'ebenuaowanao manudi,  
Ia da nuanua.

- 6 Ta tai si da ona 'imu guinua didiga  
 'Idi waiwai manuna;  
 Ta 'imu bubuna sinabwana  
 la da simana.
- 7 'Imu bobo'ana sinabwana  
 'Ana 'ebenua 'i'ita si da 'inane,  
 Ta imu bubuna paruparuna  
 Manuna si da wari.
- 8 leoba 'i oboboma,  
 Ta nua'ole'oleiega 'i maa;  
 'Ina gamwasoara 'i so'iso'i  
 Ta ma'ina nua'ole'ole sinabwana.
- 9 leoba 'i bobo'ana  
 Iauiaudi 'edia;  
 Ta 'ina nua'ole'ole nuadi  
 'Ina guinua iauiauna debadia.
- 10 'Imu guinua iauiaudi  
 Si da lotuputupu 'emuia, leoba ie;  
 Ta 'imu to'esasedi  
 Si da ona obobomeio.
- 11 'Imu 'ebeloina 'ina esaesa  
 Manuna si da gwae,  
 Ta 'imu waiwai  
 Manuna si da ona;
- 12 Be 'ina guinua waiwaidi si da e'ita  
 Tai natudiao me'olotodi edia,  
 Ta 'ina 'ebeloina 'ina mia'etana  
 'Ana esaesa.
- 13 'Imu 'ebeloina  
 'Ebeloina ataia,  
 Ta 'imu loina 'i mia ataia  
 'Epata-tomota iauiauna 'edia.

- 14 leoba iauiaudi si be'ube'u  
 'I giepa'aridi,  
 Ta iauiaudi si a'opu'opu  
 'I gienuaiatedi.
- 15 Iauiaudi  
 Matadi si iamwaiamwaio;  
 Ta 'adi masura u 'ebwaedi  
 Tuta 'ai'aila 'enega.
- 16 Nimaio 'u tuneiasina,  
 Ta iage maiawasina  
 'Ebweuna 'ebweuna  
 'Ina nuena'u loemaena.
- 17 leoba 'i paruparu  
 'Ina bubuna iauiaina 'ediega,  
 Ta 'i oboboma  
 'Ina guinua iauiaina 'ediega.
- 18 leoba iauiaudi 'ena si bwau  
 'I mia serabedia,  
 Iauiaudi 'ena si bwau  
 Ona 'ai'ailega 'edia.
- 19 Taudi si matautena 'idi nuena  
 'I da tuapwesa 'edia;  
 'Idi bwau wate 'i da nonona,  
 Ta 'i da 'etoseedi.
- 20 leoba iauiaudi si obobomena  
 I 'ita 'i'isidi;  
 Ta toto 'umali iauiaudi  
 'I da giesaoori.
- 21 'Awagu leoba 'ana tuputupu 'i da 'inanena;  
 Ta tomota iauiaina  
 'Ana esana tabu si da onaobobomena  
 Ataia ta ataia.

## 25 SAME 148.

- 1 Ieoba wa da tupuna.  
Ieoba wa da tupuna garewa 'ediega:  
Wa da tupuna  
Sena 'etosoradi 'edia.
- 2 Wa da tupuna  
Iauiaumi 'ina aniloseao:  
Wa da tupuna,  
Iauiaumi 'ina boda.
- 3 Wa da tupuna,  
Sinara be nawarae:  
Wa da tupuna,  
Iauiaumi maedana 'ana kwadimao.
- 4 Wa da tupuna,  
'Omi garewa 'idi garewa,  
Ta 'omi boasiao  
Garewa debadia wa miami.
- 5 Ieoba 'ana esana  
Si da tupuna:  
I ona ta 'enega,  
Ga 'i mweruruidi
- 6 Wate 'i giepa 'aridi  
Ataia ta ataia:  
Loina 'i bubuna  
Tauna gea 'abo 'i sawasawara,
- 7 Ieoba wa da tupuna  
Gaburega,  
'Omi rabarabao,  
Ta iauiaumi loni 'uni 'uiao:
- 8 'Awe ta 'usana-patuna,  
Sinou ta bwawa;  
Iagila didiga,  
'Ina ona 'i guinuena:

- 9 'Oiao be  
 'Oia gidaridi iauiaudi;  
 Kaiwe mauadi  
 Ta sidari iauiaudi:
- 10 Bomitawa  
 Ta iobai iauiaudi;  
 Iage si kawakawara  
 Ta manua taetae:
- 11 Gabura 'ana kiniao  
 Ta tomota iauiaudi;  
 'Inapwano  
 Ta gabura 'ana toloina iauiaudi:
- 12 Tubuau  
 Ta gomagweineao wate;  
 'Ina 'inapwanidi  
 Ta gogama;
- 13 Ieoba 'ana esana si da tupuna;  
 Tebweuna 'ana esana 'i mia tu'e ta 'enega:  
 'Ina esaesa  
 Gabura ta garewa 'i tu'esinedi.
- 14 Ta 'ina tomota 'idi ioguli  
 Ni'atu 'i sa'u tu'eiena,  
 'Ina to'esasedi iauiaudi  
 'Idi 'ebetuputupu;
- 15 Isireli natunao tuga 'idi tuputupu,  
 Tomota serabenaia  
 Ieoba wa da tupuna.  
 Ieoba wa da tupuna.

TRANSLATIONS DEPARTMENT  
CANBERRA BIBLE HOUSE

